

Styrkþegar Afreks- og hvatningarsjóðs Háskóla Íslands 2017

Anna Chukwunonso Eze brautskráðist frá Fjölbrautaskóla Vesturlands á Akranesi í vor sem dúx skólans. Hún státar af góðum árangri í stærðfræðikeppni framhaldskólana og var í Gettu betur liði FVA í tvö ár. Anna var jafnframt mjög virk í félagsstarfi skólans og fékk fjölmargar viðurkenningar við brautskráningu. Anna hyggur á nám í rafmagns- og tölvuverkfræði með áherslu á læknisfræðilega verkfræði.

Arnar Huginn Ingason var dúx Borgarholtsskóla vorið 2017 þar sem hann var á afreksíþróttasviði og samhliða því á bóknámsbraut viðskipta- og hagfræðibrautar. Arnar hlaut fjölmargar viðurkenningar við brautskráningu en meðan á námi hans í framhaldsskóla stóð var honum boðið í þýskunám á vegum Goethe Institut. Arnar hefur mikinn áhuga á íþróttum og æfir handknattleik með Víkingi og hyggur á nám í íþróttá- og heilsufræði í haust.

Atli Fannar Franklín brautskráðist frá Menntaskólanum á Akureyri í vor með ágætiseinkunn. Atla hefur boðist að vera í íslensku ólympíuliðunum í forritun, eðlisfræði og stærðfræði á undanföllum árum og m.a. tekið þátt í keppnum á alþjóðavettvangi. Hann er á leið utan í sumar til þátttöku í ólympíumótinu í stærðfræði í Brasilíu. Atli Fannar hyggst afla sér tvöfaldrar BS-gráðu í grunnnámi í Háskóla Íslands, bæði í stærðfræði og tölvunarfræði.

Erla Marý Sigurpálsdóttir brautskráðist frá Menntaskólanum á Tröllaskaga í vor sem dúx skólans og er fyrsti styrkþegi Afreks- og hvatningarsjóðs úr þeim skóla. Hún á að baki tíu ára nám á píanó og fimm ára nám á fiðlu auk þess sem hún hefur æft og keppt í alpagreinum, golfi, frjálsum íþróttum og á gönguskíðum. Erla Marý hyggst hefja nám í íþróttá- og heilsufræði í haust.

Erla Sigríður Sigurðardóttir var dúx Menntaskólans á Akureyri við brautskráningu kandiata í vor. Hún hefur lokið miðprófi í píanóleik og einnig lært á harmonikku en var jafnframt virk í ýmsu félagsstarfi Menntaskólans á Akureyri á meðan á námi stóð. Hún hefur síðastliðin tvö ár verið í ólympíuliði Íslands í eðlisfræði en henni bauðst einnig í fyrra að vera í ólympíuliðinu í líffræði. Erla Sigríður stefnir á nám í læknisfræði við Háskóla Íslands.

Garðar Sigurðarson brautskráðist frá Menntaskólanum í Reykjavík í vor. Hann státar af góðum árangri í stærðfræði- og eðlisfræðikeppnum framhaldsskólanna og hefur enn fremur lokið 6. stigs prófi í píanóleik ásamt því að hafa lært á harmoniku. Þá hefur hann sungið með kór Menntaskólans í Reykjavík og verið virkur í félagsstarfi skólans. Garðar hefur ákveðið að hefja nám í eðlisfræði við Háskóla Íslands næsta haust en stefnir einnig á BS-gráðu í stærðfræði.

Gísli Björn Helgason var dúx Menntaskólans á Egilsstöðum í vor eftir þriggja ára nám og brautskráðist með hæstu einkunn sem gefin hefur verið við skólann. Hann tók m.a. þátt í Gettu betur fyrir hönd ME en liðið komst m.a. í undanúrslit og jafnaði þar með besta árangur skólans í keppninni. Gísli Björn er enn fremur efnilegur knattspyrnumaður og leikur með meistaraflokki Hattar á Egilsstöðum ásamt því að þjálfa yngri flokka félagsins. Gísli Björn hyggur á nám í jarðeðlisfræði í haust.

Guðlaug Agnes Kristjánsdóttir var dúx Flensborgarskóla í fyrravor, þá aðeins 18 ára, en hún lauk náminu á þremur árum. Hún æfði sund með Sundfélagi Hafnarfjarðar en hefur undanfarin ár lagt áherslu á dans. Samhliða skólagöngu í Flensborg lauk Guðlaug Agnes miðprófi í píanóleik. Guðlaug Agnes stefnir á nám í lyfjafræði í haust.

Guðrún Höskuldsdóttir lauk stúdentsprófi frá Menntaskólanum í Reykjavík vorið 2016 með ágætiseinkunn. Undanfarið ár hefur hún dvalið við Florida International University í Bandaríkjunum en þangað var henni boðið til að leika með knattspyrnuliði skólans og stunda nám. Guðrún hefur leikið knattspyrnu með FH frá sex ára aldri og á að baki landsleiki fyrir yngri landslið Íslands í þróttinni. Hún hyggur á nám í verkfræðilegri eðlisfræði.

Guðrún Ólafsdóttir brautskráðist frá Menntaskólanum við Hamrahlíð í desember 2016 og var dúx skólans. Hún lauk náminu á þremur og hálfu ári. Hún náði góðum árangri í landskeppni framhaldsskólanna í þýsku á meðan á framhaldsskólanámi stóð og þá hefur hún lagt stund á klassískt píanónám í 14 ár og er í framhaldsnámi við Listaskóla Mosfellsbæjar. Samhliða þessu hefur Guðrún stundað nám í rytmískum hljóðfæraleik og leikið með tveimur farsælum hljómsveitum, White Signal og Náttúsól. Þá státar hún af því að þrjú lög sem hún hefur samið hafa sigrað í Jólalagakeppni Rásar2. Guðrún stefnir á nám í læknisfræði í haust.

Hákon Örn Grímsson brautskráðist úr Menntaskólanum í Reykjavík í vor með ágætiseinkunn. Hann hefur m.a. æft júdó og lagt stund á bassaleik auk þess sem hann var valinn í menntaskóla til þess að taka þátt í alþjóðlegu verkefni á vegum Erasmus + áætlunar Evrópusambandsins. Hákon hyggur á læknisfræðinám í haust.

Helga Margrét Höskuldsdóttir útskrifaðist úr Fjölbrotaskólanum í Garðabæ vorið 2016 eftir þriggja ára nám. Við útskrift var hún dúx skólans og hlaut fjölmargar viðurkenningar fyrir frammistöðu sína í námi. Hún var hluti af Gettu Betur liði FG 2015 og 2016 en fyrra árið komst liðið alla leið í úrslit. Hún tók virkan þátt í leiklistarstarfi FG og jafnframt í evrópsku samstarfsverkefni í leiklist árið 2015. Helga Margrét hefur innritað sig í nám í stjórnmálafræði með fjölmiðlafræði sem aukagrein.

Inga Guðrún Eiríksdóttir brautskráðist frá Menntaskólanum í Reykjavík vorið 2017 með ágætiseinkunn. Hún hefur stunda nám á klarinett frá barnsaldri og lokið 6. stigs prófi á hljóðfærið. Auk þess lagði hún stund á ballett og íþróttir á yngri árum. Inga Guðrún er í íslenska ólympíuliðinu í eðlisfræði og heldur með því til Indónesíu í sumar til þess að taka þátt í Ólympíumótinu. Inga Guðrún hyggur á nám í stærðfræði með tölvunarfræði sem kjörsvið.

Ísak Valsson var dúx Verzlunarskóla Íslands vorið 2016 og hlaut við brautskráningu fjölmörg verðlaun fyrir framúrskarandi námsárangur. Hann var í ólympíuliði Íslands í eðlisfræði í fyrra og var afar virkur í félagsstarfi Verzlunarskólans, m.a. í leiklistarstarfi. Hann hyggur á nám í verkfræðilegri eðlisfræði í haust.

Jakob van Oosterhout brautskráðist frá Menntaskólanum við Hamrahlíð í vor og var semidúx skólans. Hann hefur lokið 6. stigi í trompetleik og tók virkan þátt í tónlistarlífi á meðan á dvöl hans í MH stóð, bæði í kór skólans og húsbandi. Þá hefur hann m.a. reynslu af störfum sem jafningjafræðari á vegum Hins hússins. Jakob stefnir á nám í læknisfræði í haust.

Karen Sif Jakobsdóttir lauk stúdentsprófi frá Tækniskólanum vorið 2014 sem dúx skólans. Hún á að baki átta ára fiðlunám, hefur lokið bóklegu einkaflugmannsnámi frá Flugskóla Íslands og er langt komin með verklega námið. Karen Sif hefur undanfarin ár búið og starfað á Höfn í Hornafirði en hyggur nú á nám í tannlæknisfræði í höfuðborginni.

Kinga Sofia Demény brautskráðist frá Menntaskólanum í Reykjavík í vor. Á meðan á námi hennar þar stóð tók hún þátt í ýmiss konar samstarfsverkefnum á vegum Evrópusambandsins og þá var hún í

landsliði Íslands í efnafræði sumarið 2016 sem tók þátt í bæði Norrænu efnafræðikeppninni og Ólympíukeppninni í Georgíu. Hún náði einnig góðum árangri í þýskukeppni framhaldsskólanna. Kinga hefur æft og þjálfað sund undanfarin ár en hún hyggur á nám í lífefna-og sameindalíffræði ásamt lyfjafræði.

Liina Björg Laas Sigurðardóttir útskrifaðist frá Menntaskólanum í Reykjavík í vor með ágætiseinkunn. Hún hefur lokið miðprófi í píanóleik og tónfræði og hefur undanfarin á stundað nám framhaldsstigi. Liina stefnir á nám í sálfræði í Háskólanum í haust.

Magnea Haraldsdóttir lauk stúdentsprófi frá Menntaskólanum við Hamrahlíð í desember 2016 með ágætiseinkunn en hluta náms síns í framhaldsskóla tók hún sem skiptinemi á Ítalíu. Magnea hefur stundað fiðlunám frá níu ára aldri og starfað sem sjálfboðaliði hjá AFS skipitnemasamtökunum. Hún stefnir á nám í stærðfræði í haust.

Ragnheiður Silja Kristjánsdóttir var dúx Menntaskólans við Hamrahlíð við brautskráningu kandídata í vor. Áhugamál hennar eru íþróttir og tónlist og á hún að baki níu ára fiðlunám auk þess sem hún hefur leikið handbolta með Víkingi í tíu ár, þar á meðal með nýstofnuðum meistaraflokki félagsins. Þá söng hún í kór Menntaskólans við Hamrahlíð. Ragnheiður Silja stefnir á nám í sjúkrapjálfunarfræði.

Sigurður Smári Davíðsson var semidúx Fjölbrautaskóla Suðurlands við brautskráningu kandídata í desember 2016. Hann hefur lokið grunnprófi í gítarleik og lagt stund á hestaíþróttir. Sigurður Smári hefur frá áramótum verið í starfsnámi í líffræðirannsóknum í Vín í Austurríki og hyggur á nám í líffræði við Háskóla Íslands í haust.

Sindri Magnússon lauk stúdentsprófi frá Menntaskólanum í Reykjavík í vor með ágætiseinkunn. Hann hefur lagt stund á ýmsar íþróttagreinar frá barnsaldri en leggur nú áherslu á frjálisar íþróttir með Breiðabliki í Kópavogi. Hann statar enn fremur af góðum árangri í keppnum framhaldsskólanna í stærðfræði, eðlisfræði og forritun. Sindri hyggur á nám í stærðfræði með tölvunarfræði sem kjörsvið.

Snæþór Aðalsteinsson var dúx Menntaskólans á Akureyri vorið 2016. Hann hefur æft og keppt í langhlaupum í mörg ár fyrir HSP og statar m.a. af gullverðlaunum í stystu vegalengdinni í Jökulsárhlaupinu (13 km) síðustu þrjú ár. Fyrri hluta síðasta vetrar dvaldi hann í lýðháskóla í Danmörku. Snæþór hefur mikinn áhuga á náttúrunni og hyggst hefja nám í líffræði í haust.

Sólveig Hrönn Hilmarsdóttir var semidúx Menntaskólans í Reykjavík við brautskráningu stúdenta í vor og hlaut við það tilefni tylft verðlauna. Hún hefur mikinn áhuga á latínu og fornfræðum og hyggst því hefja nám í latínu í Háskóla Íslands með grísku sem aukagrein.

Sunna Þórarinsdóttir lauk Fjölbrautaskóla Norðurlands vestra á Sauðárkróki á þremur árum og var dúx skólans við brautskráningu í vor. Hún hefur æft körfubolta frá níu ára aldri og hefur m.a. tekið þátt í körfuboltaakademíu Tindastólis og FNV. Sunna stefnir á nám í ensku í haust.

Tanja Rasmussen brautskráðist frá Kvennaskólanum í Reykjavík í vor og fékk við útskriftina viðurkenningar fyrir afbragðsframmistöðu í ýmsum greinum. Hún spilaði á klarinett í Skólahljómsveit Mosfellsbæjar í átta ár auk þess sem hún hefur skrifað ljóð og smásögur og sótt rithöfundaskóla erlendis í tengslum við áhuga sinn á ritstörfum. Þá er hún í nýliðaþjálfun í björgunarsveit HSSR. Tanja hyggur á nám í íslensku í haust.

Thelma Dís Ágústsdóttir brautskráðist frá Fjölbautaskóla Suðurnesja í vor. Hún er í hópi fremstu körfuknattleikskvenna landsins og var m.a. í sigurliði Keflavíkur á Íslandsmeistaramótinu í vor og var valin besti leikmaður Dominos-deildar kvenna. Thelma stefnir á nám í hagnýttri stærðfræði í haust.

Þóranna Hlíf Gilbertsdóttir útskrifaðist í vor frá Menntaskóla Borgarfjarðar eftir þriggja ára nám og var dúx skólans. Hún hefur lagt stund á hestamennsku og í menntaskóla var hún afar virk í félagsstarfi. Þóranna stefnir á nám í læknisfræði í haust.